

## 17. gr.

Atkvæðagreiðsla fer fram með handauppréttingu. Nafnakall skal þó hafa, ef forseti telur þess þörf eða einn fundarmanna óskar þess. Bæjarfulltrúa er skylt að greiða atkvæði við nafnakall, nema hann leiði rök að undanfærslu sinni, er forseti tekur gild, enda á bæjarfulltrúi rétt á að skjóta úrskurði forseta til fundarins, sem sker þá umræðulaust úr máli. Þegar um kosningar er að ræða, skulu þær vera skriflegar og leynilegar, nema allir fundarmenn séu sammála um annað. Við nafnakall greiða bæjarfulltrúar atkvæði eftir skrá, þar sem nöfn þeirra eru í staf-rófsröð og skal hlutkesti ráða á hverjum skal byrja.

## 18. gr.

Ekki er leyfilegt að bregða frá ákvæðum þessara fundarskapa, nema 6 bæjarfulltrúar hið fæsta séu því samþykkir.

Fundarsköp þessi, sem bæjarstjórn Siglufjarðarkaupstaðar hefur samið og samþykkt, staðfestist hér með samkvæmt sveitarstjórnarlögum nr. 58 29. marz 1961, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Jafnframt eru úr gildi numin fundarsköp fyrir bæjarstjórn Siglufjarðar frá 14. desember 1938.

*Félagsmálaráðuneytið, 6. júní 1963.*

F. h. r.

**Hjálmar Vilhjálmsson.**

*Hallgrímur Dalberg.*

**S A M Þ Y K K T****um stjórn bæjarmála í Siglufjarðarkaupstað.**

## 1. gr.

Bæjarstjórn Siglufjarðar er skipuð níu kjörnum bæjarfulltrúum. Þeir taka ákvarðanir á bæjarstjórnarfundum um þau málefni kaupstaðarins, er til bæjarstjórnar koma. Bæjarstjóra er rétt og skylt að sitja fundi bæjarstjórnar, en ekki á hann þar atkvæði, nema hann sé jafnframt bæjarfulltrúi.

**Kosningar nefnda.**

## 2. gr.

Einstökum málum kaupstaðarins stjórnar bæjarráð og aðrar fastar nefndir, er bæjarstjórn kýs með þeim takmörkunum er síðar greinir.

Þessar nefndir eru kosnar til fjögurra ára:

1. Bæjarráð.
2. Hafnarnefnd.
3. Rafveitunefnd.
4. Fræðsluráð.
5. Hólsbúsnefnd.

6. Framtalsnefnd.
7. Heilbrigðisnefnd.
8. Fasteignamatsnefnd.
9. Kjörskrárnefnd.
10. Verðlagsskrárnefnd.
11. Áfengisvarnanefnd.
12. Íþróttamálanefnd.
13. Barnaverndarnefnd.
14. Stjórn Rauðku.
15. — Bókasafns Siglufjarðar.
16. — Byggðasafns Siglufjarðar.
17. — Sjúkrasamlags Siglufjarðar.
18. — Sparisjóðs Siglufjarðar.
19. — Lífeyrissjóðs Siglufjarðar.
20. Náttúruverndarnefnd.
21. Matsmenn brunatjóna.
22. Fóðurbirgðastjórn.
23. Fjallskilastjórn (fjallskilastj., réttarstj., gangnastj.).

Enn fremur bæjarstjórn til eins árs:

- 2 endurskoðendur bæjarreikninga og 2 til vara.
- 2 — Rauðku og 2 til vara.
- 2 — Sparisjóðs og 2 til vara.
- 3 — Bæjarútgerðar og 3 til vara.
- 7 menn í þjóðhátíðarnefnd og 7 til vara.
- 4 — - vetrarhjálp og 4 til vara.
- 3 — - kjörstjórn og 3 til vara.

### 3. gr.

Bæjarráð og aðrar fastar nefndir og stjórnir, sem eigi eru kosnar eftir sérstökum lögum, skulu kosnar til fjögurra ára í senn. Aðrar nefndarkosningar skulu fram fara í júnímánuði ár hvert.

Bæjarstjórn getur, þegar henni býður svo við að horfa, tekið mál til meðferðar og úrskurðar, þó falið sé fastri nefnd, og er það þá fallið undan þeirri nefnd. Þetta er þó með þeim takmörkunum, sem leiða af lagafyrirmælum um einstakar nefndir. Bæjarstjórn getur kosið sérstakar nefndir til að fjalla um einstök mál, þegar henta þykir, eða falið einstökum fulltrúa eða bæjarstjóra rannsókn máls eða framkvæmd.

### 4. gr.

Bæjarstjóri á sæti í bæjarráði og öllum öðrum fastanefndum bæjarstjórnarinnar, sem aukamaður, sé hann ekki jafnframt bæjarfulltrúi. Bæjarstjóri er formaður bæjarráðs og hafnarnefndar, en auk þess er heimilt að kjósa bæjarstjóra formann annarra fastra nefnda bæjarstjórnar.

### 5. gr.

Kjörgengnir í fastar nefndir bæjarstjórnar eru bæjarfulltrúar, og ef um er að ræða menn utan bæjarstjórnar, þeir, sem kjörgengir eru til bæjarstjórnar. Starfsmönnum bæjarins er skylt að mæta á fundum fastra nefnda bæjarstjórnar, ef þess er óskað af viðkomandi nefnd eða nefndarformanni.

Eigi má kjósa bæjarfulltrúa né fasta starfsmenn bæjarins sem endurskoðendur bæjarreikninganna eða reikninga fyrirtækja í eign bæjarins.

## 6. gr.

Fundir í fastanefndum bæjarstjórnarinnar eru lögmætir, ef meiri hluti atkvæðisbærra nefndarmanna eru á fundi. Ef nefndarmaður er forfallaður, tekur varamaður hans sæti. Hver einstakur nefndarmaður hefur rétt til þess að krefjast þess, að fundur sé haldinn í nefndum bæjarstjórnarinnar, og er þá formanni viðkomandi nefndar skylt að hafa fund eins fljótt og hann telur tiltækilegt.

**Starfssvið nefnda.**

## 7. gr.

1. Bæjarráð skal skipað 3 bæjarfulltrúum. Bæjarráð heldur fundi eins oft og því þykir þurfa, þó ekki sjaldnar en vikulega. Bæjarráð hefur með höndum eftirtalin mál bæjarins, stjórnar þeim og tekur um þau ákvarðanir, sem jafnframt eru tillögur til bæjarstjórnar og þurfa að öðlast samþykki hennar, svo gild séu.

**a. Fjárstjórn:**

Til þess heyrir umsjón og stjórn á fjárhag bæjarins og eftirlit með fjármálum allra fyrirtækja bæjarfélagsins, undirbúningur fjárhagsáætlunar, till. til úrskurðar á reikningum bæjarins og eftirlit með bókhaldi bæjarsjóðs og bæjarfyrirtækja og með innheimtu gjalda. Bæjarráð skal ávísá öllum greiðslum úr bæjarsjóði, hafnarsjóði og vatnsveitu.

**b. Fasteignamál:**

Bæjarráð hefur umsjón með öllum fasteignum bæjarins, svo sem: húseignum, lóðum, jarðeignum og bryggjum. Það gerir tillögur um ráðstöfun þessara eigna og annast viðhald þeirra.

**c. Sjúkrahúsmál:**

Til þess telst stjórn og rekstur sjúkrahúss bæjarins, í samráði við ráðskonu eða ráðsmenn sjúkrahússins og sjúkrahússlækni. Þegar bæjarráð tekur til meðferðar sjúkrahúsmál, skal það jafnan kveðja á fund sinn sjúkrahússlækni og ráðskonu eða ráðsmann, ef þörf þykir.

**d. Framfærslumál:**

Bæjarráð hefur á hendi stjórn allra framfærslumála í Siglufjarðarkaupstað. Bæjarráð stjórnar og elliheimili og barnaheimili bæjarins, ef slík fyrirtæki verða sett á stofn.

Bæjarstjóri er jafnframt framfærslustjóri, nema til þess sé ráðinn sérstakur maður.

**e. Brunamál.**

Til þess telst framkvæmd á öllum brunamálum bæjarins, samkv. lögum og reglugerðum um brunamál og eftirlit með slökkviliði bæjarins.

**f. Byggingarmál.**

Bæjarráð annast byggingarmálefni kaupstaðarins samkv. gildandi lögum og byggingarsamþykkt. Byggingarfulltrúa er skylt að mæta á fundum bæjarráðs um byggingarmál.

**g. Vegamál.**

Bæjarráð hefur á hendi umsjón með vegamálum kaupstaðarins, annast viðhald gatna og holrása og hefur umsjón með rekstri grjótmulningsvélarinnar og öðrum vinnuvélum bæjarins.

#### h. Vatnsveitumál.

Bæjarráð fer með vatnsveitumál, hefur eftirlit og umsjón með vatnsveitukerfi kaupstaðarins, sér um viðhald og gerir tillögur um endurbætur og aukningu á vatnsveitunni, hefur eftirlit með innheimtu og gjöldum vatnsveitunnar og reikningshaldi vatnsveitusjóðs, og skal að öðru leyti starfa samkv. fyrirmælum vatnsveitureglugerðar kaupstaðarins.

#### i. Önnur mál:

Öll önnur mál, sem ekki eru falin sérstökum nefndum í samþykktum þessum, eða með sérstakri samþykkt bæjarstjórnarinnar, skulu heyra undir bæjarráð. Auk þess getur bæjarstjórn vísað þeim málum, sem henni sýnist, til bæjarráðs, þó að þau heyri ekki sérstaklega undir það samkvæmt framanskráðu.

1. Bæjarráð skal halda sérstakar gerðabækur fyrir hvern flokk mála, sem undir það heyra.

Starfsmenn hinna einstöku fyrirtækja bæjarins skulu ráðnir af bæjarstjórn, eftir tillögum bæjarráðs, nema lög og reglugerðir mæli öðruvísi fyrir.

2. Hafnarnefnd er kosin til fjögurra ára í senn, og eiga sæti í henni 5 menn, 3 úr hópi bæjarfulltrúa, en 2 utan bæjarstjórnar. Jafnframt kosningu hafnarnefndarmanna skulu kosnir 5 varamenn. Hafnarnefnd annast framkvæmd hafnarmála og hefur á hendi eftirlit með höfninni, gerir tillögur fyrir bæjarstjórn um ráðningu starfsmanna hafnarinnar, hefur eftirlit með innheimtu hafnargjalda og reikningsfærslu hafnarsjóðs og gerir tillögur um samþykkt á reikningum hans.

3. Rafveitunefnd skal skipuð 3 mönnum kosnum til 4 ára. Kjósa skal 3 menn og 3 til vara. Starfssvið nefndarinnar er samkvæmt sérstakri reglugerð samþykktri af bæjarstjórn.

4. Fræðsluráð skal skipað 5 mönnum kosnum til 4 ára í senn. Kjósa skal 5 varamenn. Fræðsluráð starfar samkvæmt fræðslulögum.

5. Hólsbúsnefnd skal skipuð 3 mönnum úr hópi bæjarfulltrúa og 2 mönnum utan bæjarstjórnar kosnum til 4 ára. Kjósa skal jafnmarga varamenn utan og innan bæjarstjórnar. Nefndin annast rekstur búsins í samráði við bæjarstjórn og bæjarráð, ef um stærri fjárhagsleg mál er að ræða. Nefndin skal hafa umsjón með daglegum rekstri búsins og hafa eftirlit með reikningsfærslu þess. Reikninga búsins skal leggja fyrir bæjarstjórn, svo sem aðra reikninga bæjarfyrirtækja.

6. Framtalsnefnd skipa 5 menn kosnir til 4 ára í senn. Kjósa skal 5 varamenn. Starfssvið nefndarinnar er samkvæmt lögum.

7. Heilbrigðisnefnd skipa 3 menn kosnir til 4 ára í senn. Kjósa skal 3 varamenn. Starfssvið nefndarinnar er samkv. lögum og heilbrigðissamþykkt kaupstaðarins.

8. Fasteignamatsnefnd skipa 2 menn kosnir til 4 ára í senn. Kjósa skal 2 til vara. Verksvið nefndarinnar er innan bæjarfélagsins að meta nýbyggingar, viðbætur og endurbætur til peningaverðs og skila um það skýrslu til bæjarstjórnar jafnóðum.

9. Kjörskrárnefnd skipa 3 menn kosnir til 4 ára. Kjósa skal 3 til vara. Nefndin yfirfer kjörskár í samráði við bæjarstjórn í tæka tíð fyrir allar almennar kosningar.

10. Verðlagsskrárnefnd: 1 maður kosinn af bæjarstjórn til 4 ára og 1 til vara.

11. Áfengisvarnarnefnd skipa 6 menn kosnir til 4 ára. Kjósa skal 6 menn til vara. Verksvið og störf nefndarinnar fer að lögum um áfengisvarnir.

12. Íþróttamálanefnd skipa 5 menn kosnir til 4 ára. Kjósa skal 5 til vara. Nefndin er ráðgefandi nefnd fyrir bæjarstjórn um íþróttamál og fjárveitingar í því skyni.

13. Barnaverndarnefnd skipa 5 menn kosnir til 4 ára í senn. Kjósa skal 5 menn til vara. Nefndin starfar samkv. reglugerð um barnavernd.

14. Stjórn Rauðku skipa 5 menn kosnir til 4 ára í senn. Kjósa skal 5 menn til vara. Stjórnin starfar samkvæmt sérstakri reglugerð samþykktri af bæjarstjórn. Reikningar Rauðkuverksmiðjunnar skulu lagðir fyrir bæjarstjórn til samþykktar.

15. Stjórn Bókasafns Siglufjarðar skipa 5 menn kosnir til 4 ára í senn. Kjósa skal 5 menn til vara. Stjórnin annast allan rekstur bókasafnsins og reikningsfærslu. Reikningar bókasafnsins skulu lagðir fyrir bæjarstjórn til samþykktar.

16. Stjórn Byggðasafns Siglufjarðar skipa 5 menn. Bæjarstjóri er sjálfkjörinn í stjórnina, en bæjarstjórn kýs 4 menn til 4 ára. Kjósa skal 4 menn til vara. Stjórnin annast allan rekstur byggðasafnsins og reikningsfærslu. Reikningar safnsins skulu lagðir fyrir bæjarstjórn til samþykktar.

17. Stjórn Sjúkrasamlags Siglufjargðar skipa 4 menn kosnir af bæjarstjórn til 4 ára í senn. Kjósa skal 4 menn til vara. Stjórnin starfar samkv. lögum, en skal þó gefa bæjarstjórn árlega skýrslu um störf sín.

18. Stjórn Sparisjóðs Siglufjarðar skipa 2 menn kosnir af bæjarstjórn til 4 ára í senn. Kjósa skal 2 menn til vara. Stjórnin starfar samkvæmt lögum og reglugerð Sparisjóðs Siglufjarðar.

19. Stjórn Lífeyrissjóðs starfsmanna Siglufjarðarkaupstaðar skal skipuð 5 mönnum. Bæjarstjóri er sjálfkjörinn formaður sjóðsstjórnar. 2 menn skulu kosnir af bæjarstjórn til 4 ára og 2 menn af sjóðfélögum. Kjósa skal 4 menn til vara á sama hátt. Stjórnin starfar samkv. sérstakri reglugerð sjóðsins staðfestri af bæjarstjórn og sjóðfélögum.

20. Náttúruverndarnefnd skipa 2 menn kosnir til fjögurra ára og jafnmargir til vara. Nefndin starfar samkvæmt gildandi lögum.

21. Kjósa skal einn matsmann brunabótaverðs og einn til vara til fjögurra ára. Starf hans er að meta fasteignir innan bæjarfélagsins til brunabótaverðs.

22. Kjósa skal einn fóðurbirgðastjóra og einn til vara, til fjögurra ára, er starfar samkvæmt reglugerð.

23. Kjósa skal þrjú menn í fjallskilastjórn (fjallskilastjóra, réttarstjóra og gangnastjóra) til fjögurra ára, er starfa skulu samkvæmt fjallskilareglugerð Siglufjarðarumdæmis.

#### 8. gr.

Bæjarstjórn ræður alla starsmenn bæjarins og veitir þeim lausn, nema hún feli einstökum nefndum það með samþykkt eða reglugerðum, eða heimili í erindisbréfi einstökum starfsmönnum að ráða sér aðstoðarmenn.

Allir starfsmenn skulu haga sér eftir reglum þeim, sem settar eru í samþykktum bæjarins og erindisbréfum þeirra.

#### 9. gr.

Bæjarstjóri annast framkvæmdir á málum þeim og ráðstöfunum, sem eigi eru öðrum falin, og allar bréfaskriftir bæjarstjórnarinnar.

#### 10. gr.

Til þess að breyta samþykktum þessum, þarf umræður á tveim fundum í bæjarstjórn, samþykki meiri hluta atkvæða og staðfestingu ráðherra.

Samþykkt þessi, sem bæjarstjórn Siglufjarðarkaupstaðar hefur samið og samþykkt, staðfestist hér með samkvæmt lögum nr. 58 29. marz 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli

Jafnframt er úr gildi numin samþykkt um stjórn bæjarmála í Siglufjarðar-  
kaupstað frá 13. marz 1952.

*Félagsmálaráðuneytið, 6. júní 1963.*

F. h. r.

**Hjálmar Vilhjálmsson.**

*Hallgrímur Dalberg.*

18. júní.

Nr. 94.

## REGLUGERÐ

um hina almennu deild bátaflotans við Aflatryggingasjóð sjávarútvegsins.

1. gr.

Ákvæði reglugerðar þessarar taka til þeirra skipa bátaflotans, sem veiðar stunda með línu, handfæri, netjum, botnvörpu eða dragnót. Reglugerð þessi nær ekki til síldveiða.

2. gr.

Veiðiskipum skal skipt í flokka sem hér segir:

- I. flokkur: Skip, sem stunda veiðar með línu og salta aflann um borð.
- II. flokkur: Skip, sem stunda veiðar með netjum og salta aflann um borð.
- III. flokkur: Skip, sem stunda veiðar með línu og netjum og salta aflann um borð.
- IV. flokkur: Skip, sem veiðar stunda með línu og leggja aflann á land nýjan eða ísaðan.
  - a) Skip yfir 100 rúml.
  - b) — 50—100 —
  - c) — 25— 50 —
  - d) — 12— 25 —
  - e) — undir 12 rúml., þiljuð.
- V. flokkur: Skip, sem veiðar stunda með netjum og leggja aflann á land nýjan eða ísaðan.
  - a) Skip yfir 100 rúml.
  - b) — 50—100 —
  - c) — 25— 50 —
  - d) — 12— 25 —
  - e) — undir 12 rúml., þiljuð.
- VI. flokkur: Skip, sem veiðar stunda með línu og netjum og leggja aflann á land nýjan eða ísaðan.
  - a) Skip yfir 100 rúml.
  - b) — 50—100 —
  - c) — 25— 50 —
  - d) — 12— 25 —
  - e) — undir 12 rúml., þiljuð.
- VII. flokkur: Opnir vélbátar, sem veiðar stunda með línu, netjum eða handfærum.